

Хотира-муқаддас, қадрлаш эса бурчдир

ILM OLMOQQA INTILISH – HAR BIR MUSLIM VA MUSLIMA UCHUN QARZ-U FARZ

Ziyo chashmasi

ABDULLA QODIRIY NOMIDAGI JIZZAX DAVLAT PEDAGOGIKA INSTITUTI GAZETASI

№ 5 (244)

2016 YIL 30-MAY

ISSN-2010-9393

1993-YIL, 21-MARTDAN CHIQA BOSHLAGAN

ТИНЧЛИК ВА ФАРОВОНЛИК УЧУН ШУКРОНАЛИК

Жафокаш халқимиз асрлар давомида не-не оғир синовлар, машаққатли кунларни кўрмади. Ўз озодлиги, эркинлиги, тинч ҳаёти йўлида курашиб, беҳисоб қурбонлар берган ота-боболаримиз жасорати тарихий хотирамиздан ҳеч қачон ўчмайди, - деган эди президентимиз И. Каримов.

Чиндан ҳам, II жаҳон уруши миллионлаб инсонлар ҳаётига зомин бўлди. Улар қаторида инсониятнинг порлоқ келажаги учун фашизмга қарши курашда ўз жонини фидо этган юртдошларимиз ҳам бор. Уларнинг озодлик йўлидаги улкан хизматлари мустақиллик йилларида янада қадрланмоқда. Шу муносабат билан ҳар йили жойларда байрам тадбирлари ўтказилиб келинади. Бу йил мустақиллигимизнинг 25 йиллиги тантаналари арафасида нишонланган Хотира ва қадрлаш кунини байрами вилоятимизда аввалги йилларга қараганда, айниқса, ўзгача бир шукуҳ билан кутиб олинди. Сабаби шаҳримизда қад ростлаган янги «Хотира мажмуаси» байрам муносабати билан фахрийларимиз учун тўхфа сифатида фойдаланишга топширилди.

Уруш ва меҳнат фахрийлари, марказий ҳарбий округ таркибидagi ҳарбий қисм вакиллари, вилоятимиз, кенг жамоатчилигимиз иштирокидаги маросимни Жиззах шаҳар ҳокими Асрор Қобилов очиб берди. Шундан сўнг хиёбон узра Ўзбекистон Республикаси Давлат Маҳияси янгради. Тадбир давомида Жиззах гарнизони бошлиғи, майор Руслан Сотликов сўзга чиқиб, йиғилганларни умумхалқ байрами ҳамда фашизм устидан қозонилган ғалабанинг 71 йиллиги билан табриклади. Иккинчи жаҳон урушида иштирок этган 435 минг нафар ҳамюртларимиз номлари «Хотира китоби»га зарҳал харфлар билан битилган. Жумладан, иккинчи жаҳон уруши қаҳрамони Жўракул Тўраевнинг жасорати ҳар бир жиззахлик қалбидa бир умр муҳрланиб қолган, де-

сак асло муболага бўлмайди. Тарихдан маълумки, Иккинчи жаҳон урушида бир миллиард етти юз миллион аҳолиси бўлган 61 та давлат иштирок этди. Уруш йилларида ота-онасидан жудо бўлган етим болаларнинг икки юз минг нафарини халқимиз ўз бағрига олди. Мамлакатимиз фронтга кўплаб қурол-яроқлар озиқ-овқат кийим-кечак ва бошқа зарурий маҳсулотлар етказиб берди. Урушда қатнашган, урушнинг машаққатларини ўз кўзи билан кўрган, жангларда қон кечган юртдошларимизнинг сафи, афсуски, камайиб бормоқда. Вилоятимизда ҳозир уларнинг 78 нафари ҳаёт. Улар билан дийдорлашиб, суҳбатлашган, умр сабоқларидан огоҳ бўлган киши бугунги тинч, осойишта ҳаёт, тўқинлик ва фаровонлик дамлари оғир синовлар, машаққатлар эвазига қўлга киритилганига тўла ишонч ҳосил қилади.

Сўзга чиққан Иккинчи жаҳон уруши фахрийси Нормухаммад Аёзов мамлакатимизда инсон қадр-қиммати, унга кўрсатилаётган ғамхўрлик ва эътибор, ёши улғу кишиларни қадрлаш, нурониларнинг ҳар бир сўзи ёшлар учун ибрат эканлиги тўғрисида гапирди.

Шундан сўнг «Мотамсаро она» ёдгорлиги пойига гулчамбарлар қўйиш маросими бошланди. Жиззах вилоят ҳокимлиги, Марказий ҳарбий округ кўмондонлиги, вилоят мудофаа ишлари, ички ишлар, фавқулодда вазиятлар ҳамда божхона бошқармаларининг номлари битилган гулчамбарлар қўйилди.

Тадбир сўнгида анъанага кўра уруш ва меҳнат фахрийлари учун байрам дастурхони ёзилди. Санъат усталари ҳамда ижрочи ёшларнинг куй ва қўшиқлари, жозибдор рақслар байрам тадбирига ўзгача шукуҳ бағишлади.

Абдуғаффор АБДУРАҲМОНОВ,
«Зиё чашмаси»нинг
жамоатчи мухбири.

ТАБРИКАЙМИЗ!

Мамлакатимиз мустақиллигининг дастлабки йилларидан бошлаб амалга оширилаётган сиёсий, иқтисодий, маънавий-маърифий ислохотлар сифат жиҳатдан янги босқичга кирди, олдимизда турган долзарб вазифалар аниқ-равшан белгилаб олинди. Уларнинг қай даражада бажарилиши, амалга оширилиши, даставвал, бутун халқимизнинг, мутахассисларнинг, хусусан, ёшларимизнинг қўйилган вазифаларни теран англаб, тушуниб етишига ҳамда уларни амалга оширишдаги саъй-ҳаракатига бевоҳита боғлиқдир.

Ўзбекистон Миллий тикланиш демократик партияси ташаббуси билан талаба-ёшларнинг Президент нутқи ва маърузаларидан ташкил топган асарларида асослаб берилган устувор йўналишларни ва тамоилларни чуқур англаб, ўзлаштириб олишларига эришиш, янги вазифалар, мақсад ва гоиларни, устувор вазифаларнинг мазмун-моҳиятига, ҳаётбахш жиҳатларига чуқур кириб боришларини таъминлаш мақсадида эсселар танлови ташкил қилинди.

Танловда иштирок этган мингдан ортиқ ижодий ишлар муаллифларнинг президент И. А. Каримов асарларини билиш даражаси, давлатимиз ички ва ташқи сиёсатини аниқ баҳолай олиш ва уни тўғри талқин этганлиги, мустақил фикрнинг дадил илгари сурганлиги ва ҳаётини мисоллар билан далилла-

ганлигини инобатга олган ҳолда баҳоланди.

Танловнинг якуний босқичи пойтахтимиз Тошкент шаҳрида бўлиб ўтди. Қувонарлиси шуки, танловда иштирок этиб, фахрли ўринни эгаллаганлар орасида институтимизнинг инглиз тили ва адабиёти йўналиши талабаси Зулфизар Ташанова ҳам бор.

- Биз ўзбек ёшлари ҳар қандай эзгу ниятларга талпинмас, уни рўёбга чиқаришда қўмақлашадиган Ватанимиз ва президентимиз бор, - дейди Зулфизар биз билан суҳбатда.

Талаба-қизимизнинг бундан юқори марраларни забт этишини тилаган ҳолда, эришган бу улкан муваффақияти билан муборакбод этамиз.

Гулноза ИРИСЕВА,
«Зиё чашмаси»нинг
жамоатчи мухбири.
Суратда: З. Ташанова
тақдирлаш маросимдан сунг



Ҳеч бир нарса мамлакатни спортчалик дунёга машҳур қила олмайди!

Ислом Каримов

Баракалла, азаматлар!

Институтимиз спортчилари

Фарғона шаҳрида бўлиб ўтган «Универсиада-2016» спорт мусобақаларидан 1 та олтин, 3 та кумуш ва 3 та бронза медали билан қайтдилар.




Ўктамов
Жалолiddин
Анвар ўғли
(Бокс бўйича
олтин медал)



Икромов Акбаржон
Азимжон ўғли
(Сузиш бўйича кумуш
ва бронза медал)



Аралов Диёр
Турсин ўғли
(Эркин кураш
бўйича кумуш
медал)



Жабборов
Жавлонбек
Нодиржон ўғли
(Сузиш бўйича
кумуш медал)



Йўлдошев
Нозимжон
Нўмонжон ўғли
(Сузиш бўйича
бронза медал)



Аҳмадалиев
Расул
Рустам ўғли
(Теннис бўйича
бронза медал)

Фарғона шаҳрида ўтказилган «Универсиада - 2016» спорт мусобақалари барча спорт ихлосмандлари, бутун халқимизнинг диққат эътиборида бўлди. Ўз олдида улкан мақсадларни қўйган спортчи талаба-ёшлар учун азм-у шижоат, қатъият, маҳорат ва синов майдонига айланди.

Қайд этиш жоизки, «Кичик олимпиада» номини олган мазкур нуфузли мусобақа навқирон авлод вакиллари яшасан ва маънавий жиҳатдан баркамол воғда етишларида муҳим аҳамият касб этмоқда. Уларни гуруҳ ва ифтихор туйғуси билан яшашга даъват қилмоқда. Бу галги Фарғона шаҳрида ўтказилган финал мусобақасида ана шундай руҳ ҳукмрон бўлди.

Финал мусобақасида вилоятимиздан жами 43 нафар спортчилар қатнашди. Жиззах терма жамоасининг 33 нафарини институтимиз талабалари ташкил этса, 10 нафари Жиззах политехника институтини талабалари ҳисобланади. Мусобақа 11 турда бўлиб ўтди. Спортнинг бокс тури бўйича институтимиз жисмоний маданият факультети 4-босқич талабаси Жалолiddин Ўктамов 81 кг вазнда фахрли биринчи ўринни эгаллади ва олтин медали соҳиби бўлди. Эркин кураш туридан 125 кг вазнда қатнашган шу факультетнинг 2-босқич талабаси Диёр Аралов кумуш медал билан 2-ўринни банд этди. Бундан ташқари сузиш спорти бўйича талабаларимиздан Акбар Икромов 1 та кумуш ва 1 та бронза, Жавлонбек Жабборов 1 та кумуш ҳамда Нозимжон Йўлдошев 1 та бронза медалини қўлга киритдилар. Расулжон Аҳмадалиев эса катта теннис мусобақаси якунига кўра бронза медалини қўлга киритишга муваффақ бўлди. Умумий ҳисобда Жиззах терма жамоаси 10 ўринни банд этди.

Шунингдек, талабаларимиз спортнинг шахмат, стол тенниси, каратэ каби турлари бўйича ҳам ўзларини кўрсатишди.

Баҳриддин БҮРИБОЕВ,
«Зиё чашмаси» махсус мухбири.
Фарғона-Жиззах

Талабалар педагогик амалиётни якунламоқда

Педагогик амалиёт замон талабига мос, рақобатбардош юқори малакали мутахассислар тайёрлашда ўқув жараёнининг муҳим таркибий қисми ҳисобланиб, унинг вазифаси олинган назарий билимларни амалиёт билан мустаҳкамлаш, чуқурлаштириш, амалий тажриба ва маҳоратни ошириш, педагогик малакаларни сингдиришдан иборатдир.

Малакавий амалиёт талабаларни ўқитувчилик касбига тайёрлашнинг бирдан бир асосий омили сифатида талабаларнинг институтда олган назарий билимларини амалиёт билан боғлаш, умумтаълим мактаблари, академик лицейлар ҳамда касб-хунар коллежлари ўқувчилари билан ўқув-тарбиявий ишларни бажариш имкониятларини яратди.

Институтда ўқув режага асосан куйидаги малакавий амалиёт турлари ўтказилди:

1. Узлуксиз (ўқув-танишув) педагогик амалиёти. 14 та йўналишда 1, 2, 3-курсларда.

2. Ўқув амалиёти. 5 та йўналишда 1, 2, 3-курсларда.

3. Педагогик амалиёт. 19 та йўналишда 4-курсларда.

Узлуксиз педагогик амалиётнинг умумий вазифаси ўқитувчининг асосий педагогик функцияси билан танишиш ва уни бажариш учун зарур бўлган малака ва кўникмаларини эгаллаш билан боғлиқдир.

Бизнинг давримизда ўқитувчи ижроцигина эмас, тадқиқотчи ҳам саналади. Демак, унинг функциялари орасида илгор тажрибани ўрганиш, педагогик вазиятларни таҳлил қилиш, уларга таъсир этган ижобий ёки салбий оқибатларга олиб келадиган сабабларни топиш, педагогик ва психологик тадқиқотлар олиб бориш учун ўз ишининг натижаларини таҳлил этиб, умумлаштириш, педагогик муамоларни кўра билиш, уларга доир тахминлар қилиб, ечимини топиш, ўқувчиларни ҳам тадқиқод ишларига жалб этиш каби қатор вазифалар ҳам бўлиб, буларни ҳал қилишга ёрдам берадиган педагогик малака ва кўникмалар ҳам муҳим аҳамиятга эгадир.

Узлуксиз педагогик амалиёт давомида ҳар бир талаба ўзининг танлаган касбига-педагогик фаолиятига яроқлиги, қизиқиши, шу соҳадаги тайёрлик даражаси ўрганилади. Амалиётга раҳбарлик қилаётган институт вакили ҳар бир талабани узлуксиз ўрганиш, ташкил этилган ишларини кузатиш, ўқувчилар билан алоқаси, турли вазиятларга нисба-



тан реакцияси, фаоллиги ва бошқаларга қараб унинг мустақиллиги, ташкилотчилиги, ихтисос тайёргарлиги ва маъсулияти, умумий тайёргарлик даражаси ва касбига яроқлигини аниқлаб боради. Буларни амалиёт охирида ўтадиган анжуманда эълон қилиб, тегишли тавсиялар беради.


Узлуксиз педагогик амалиёт якунида барча ҳужжатлар кафедрага йиғилиб, услубчи ўқитувчи томонидан рейтинг тизимига асосан баҳоланади ва кафедрада сақланади. Услубий бўлимга кафедра мудири умумий ҳисобот топширади.

Шу кунларда институтимизнинг 1, 2, 3-курс талабалари бакалавр ўқув режасига асосан Жиззах шаҳри ва тумани умумтаълим мактабларида, махсус мактаблар ва мактабгача таълим муассасаларида назарий билимларини амалий жиҳатдан синовдан ўтказиб қайтилар.

Узлуксиз педагогик амалиётда жами 2373 нафар 1, 2, 3-курс талабалари қатнашишди. Шундан 1743 нафари Жиззах шаҳри, 227 нафари Жиззах тумани мактабларида; 52 нафари академик лицейларида, 49 нафари касб-хунар коллежларида, 145 нафари Жиззах шаҳар ва туман мактабгача таълим муассасалари, 157 нафари махсус мактабларда 1, 2, 3, 4-ҳафталик педагогик амалиётни ўтадилар.

4-курслардаги педагогик амалиёт 2015-2016 ўқув йилида 11 ҳафта давомида институтимиздаги 19 та таълим йўналиши бўйича 4-босқич талабалари билан Жиззах шаҳри ва тумани умумтаълим мактабларида, вилоят касб-хунар коллежларида ва академик лицейларида, психологик марказларда, махсус мактабларда ва мактабгача таълим муассасаларида ўтказилди.

Ўқув йилининг бошидан барча таълим йўналишларида ўқув режага биноан малакавий амалиётлар аниқланиб, иш-



чи ўқув режалари тузилиб, дастур ва ишчи дастурлар тасдиқланди. Педагогик амалиётга раҳбарлик қилиш учун услубчи ўқитувчиларга юктамалар кафедра мудири томонидан уларнинг педагогик тажрибаси, илмий даражаси ва унвони инобатга олинган ҳолда тақсимланди. Юктамаларда белгиланган соатларнинг тўлиқ ва сифатли бажарилиши кафедра мудири ва ўқув бўлими ходимлари томонидан назорат қилиб борилмоқда.

Педагогик амалиётлар бошланишидан олдин барча факультетларда, бўлимларда, деканат ва масъул услубий кафедралар томонидан ташкил этилган дастлабки (йўриқнома берувчи) анжуманларда институт раҳбарлари, ўқув бўлими бошлиғи, педагогик амалиётлар бўйича ўқув-услубий бўлим ходимлари, факультет деканлари, масъул кафедраларнинг услубчи ўқитувчилари, педагогика ва психология кафедралари ўқитувчилари, ҳамда умумтаълим мактаблари ўқитувчилари қатнашдилар. Сўзга чиққан профессор-ўқитувчилар томонидан педагогик амалиётнинг мазмуни, мақсади, вазифалари, услубчи ўқитувчилар ва талабаларга замон талабига кўра талабаларга педагогик амалиётнинг ўтказилиш тартиби ва унга доир ҳужжатларни расмийлаштирилиши ҳақида батафсил маълумотлар берилди ва талабалар педагогик амалиёт ўтказиладиган мактабларга тақсимланди.

Шу кунларда институтимизнинг 4-курс талабалари бакалавр ўқув режасига асосан йиллар давомида олган назарий билимларини амалий жиҳатдан синовдан ўтказиб қайтишди. Педагогик амалиётда жами 1647 нафар талаба қатнашди. Шундан 1069 нафари Жиззах шаҳри, 139 нафари Жиззах тумани мактабларида; 156 нафари академик лицейларида, 87 на-



фари касб хунар коллежларида, 132 нафари Жиззах шаҳар ва туман мактабгача таълим муассасалари ва махсус мактабларда, 22 нафари вилоятнинг қозоқ тилида ўқитиладиган мактабларда педагогик амалиёт ўташди.

Талабаларининг педагогик амалиётдаги фаолияти Ўзбекистон Республикаси Олий ва ўрта махсус таълим вазирлигининг буйруғи билан тасдиқланган «Олий таълим муассасаларида талабалар билимини баҳолашнинг рейтинг тизими тўғрисида»ги Низом асосида талабаларнинг педагогик амалиёт давомида амалга оширган ишлари ва амалиётга доир ҳужжатлари масъул кафедраларнинг услубчи профессор-ўқитувчилари томонидан таҳлил қилиниб, кўйилган балл ва баҳолар асосида умумлаштирилди.

Э.Б. ШАМУРАТОВ,
институт педагогик амалиётлар бўйича ўқув-услубий бўлим инспектори,
кимё фанлари номзоди, доцент.

(Суратларда педагогик амалиётдан лавозимлар)



Кўп асрлар давомида география ер юзасининг табиати, ҳўжалиги ва аҳолиси ҳақидаги бир бутун фан сифатида кишиларни турли жойлар ва мамлакатларнинг табиий шароити, табиий бойликлари, халқлари, шаҳарлари тўғрисида зарур маълумотлар билан таъминлаб турган. Ҳозирги замон географиясининг вазифаси эса, фақат маълумотлар тўплаш эмас, балки тўпланган маълумотларни солиштириш, умумлаштириш, илмий таҳлил

қилиш ва қонуниятларни аниқлашдан иборатдир. Ана шундай машаққатли ишга умрини сафарбар қилган олийжаноб, иймон-этиқодли ва маънавияти юксак олимлардан бири, география фанлари номзоди, доцент Камолжон Курбонovid.

Камолжон Курбонovid кўп йиллик ҳаёт ва илмий-педагогик тажрибага эга бўлган таниқли олим. Устоз қаерда бўлмасин барчага фақат яхшилик, эзуликни тилайди. Олим шогирдларини нияти пок, тўғри сўз ва эзгу амалларга даъват қилиб, ўзи ҳам ана шу йўлда тиниб тинчимайди.

Устознинг босиб ўтган ҳаёт йўли ибрат қилиб кўрсатишга арзигulik. У 1936 йили Жиззах тумани Оққўрғонлик маҳалласида таваллуд топган. Жиззах туманидаги 8 ўрта мактабда аъло баҳолар билан ўқиб юрган пайтларидаёқ, ўқитувчи бўлишига орзу қилган. Бу истак уни 1958 йили Низомий номидаги Тошкент давлат педагогика институти (ҳозирги ТДПУ) етаклаб келган. Шу йили Камолжон Курбонovid мазкур институтнинг табиёт-география факультетига ўқишга кирди. Талабалик йиллари унинг ҳаётида ўсиш-ўлғайиш, география илмининг мураккаб қирраларини сабот билан ўрганиш, зиёли сифатида шаклланиш даври бўлди.

География илмига қизиққан К. Курбонovid 1965 йили Низомий номидаги Тошкент давлат педагогика институтининг аспирантурасига ўқишга кирди. Аспирантуранга тугатиб, Ўз-

Устоз деган номни ардоқлаган олим

Доцент Камолжон Курбонovid 80 ёшида!

Ўзбекистон Фанлар Академияси ҳузуридаги География бўлимида кичик илмий ходим лавозимида иш фаолиятини бошлади. Ёш олим география фанлари доктори, профессор О. К. Замков илмий раҳбарлигида 1980 йили Боку шаҳрида Озарбайжон Фанлар Академияси География институти ҳузуридаги Ихтисослашган Кенгашла «Қишлоқ ҳўжалигини ҳудудий жойлаштириш муаммолари (Мирзачўл ва Жиззах мисолида)» мавзусида номзодлик диссертациясини муваффақиятли ҳимоя қилиб, география фанлари номзоди илмий даражасига эга бўлди. 1980 йилдан то 1995 йилгача Ўзбекистон Республикаси Фанлар Академияси қошидаги География бўлимида катта илмий ходим лавозимида фаолият кўрсатди.

1996 йили Ўзбекистон Республикаси Вазирлар Маҳкамасининг «Ўзбекистон Республикаси минтақавий олий ўқув юрталарни янада ривожлантириш чора-тадбирлари тўғрисида»ги қарорига асосан, доцент Камолжон Курбонovid Абдулла Қодирий номидаги Жиззах Давлат педагогика институтига ишга келди. У кафедра доценти бўлиб, сўнгра 2002-2009 йиллар давомида Минтақавий география ва уни ўқитиш услубияти кафедрасини бошқарди. К. Курбонovid 2010 йилдан бошлаб ҳозиргача география ва уни ўқитиш методикаси кафедраси доценти лавозимида фаолият кўрсатиб келмоқда.

Халқ орасида «Олим бўлиш осон, аммо одам бўлиш қийин», деган нақл бор. Аслида бу ибора рамзий маънога эга, чунки олим бўлиш ҳам, одам бўлиш ҳам ўта машаққатли меҳнат билан, кўпгина инсоний фазилатлар йиғиндисини талаб этади. Шу нуқтаи назардан қараганда доцент Камолжон Курбонovid олимлик салоҳияти ҳам, ибратли фазилатлари ҳам уйғунлашган, яъни ўз соҳасининг забардаст олими, ажойиб инсоний фазилатлар соҳиб ҳисобланади. Ўтган йиллар давомида олимнинг 250 ортиқ илмий-услубий мақолалари, «Қишлоқ ҳўжалигини ҳудудий жойлаштириш муаммолари (Мирзачўл ва Жиззах чўллари мисолида)» ҳамда «Ўзбекистонда чўлланиш ҳодисаси ва унга қарши кураш» номли монографиялари chop этилган.

Доцент К. Курбонovid ўқув машғулотларини бугунги кун талабалари асосида олиб борадиган ўз касбини моҳир устаси ҳисобланади. У ўқув жараёнига доимо ўта маъсулият билан ёндашадиган ва уни ҳар қандай ишдан устун қўядиган юқо-

ри салоҳиятли педагоглардан биридир. Унинг раҳбарлигида тайёрланган юқори малакали кадрлар бугунги кунда нафақат вилоятимизнинг турли муассасаларида, балки Ўзбекистоннинг турли бурчакларида ҳам фаолият кўрсатмоқда. Камолжон Курбонovid табиатан шўмуомала, сертакалуф инсон, етук педагог. У меҳрубон ота, устоз, катта оиланинг сардори.

Абдулла Қодирий номидаги Жиззах давлат педагогика институти доценти, география фанлари номзоди Камолжон Курбонovidнинг табаррук 80 ёшини нишонлашда рамзий маъно ҳам бор. Олимнинг илмга бўлган муносабати ва илмий салоҳияти, касбига меҳри ва садоқати, илмий изланишлардаги туган йўли, илм бўсағасида турган ёшларга ҳар доим ибрат мактаби бўлиб хизмат қилади. География фанлари номзоди, доцент К. Курбонovid моҳир педагог сифатида ёшларга салкам 60 йилдан буён таълим-тарбия бериб келмоқда. Устоз кўп йиллик самарали меҳнатлари учун, 2002 йили Ўзбекистон Республикаси халқ таълими аълочилиги унвонига сазовор бўлган. 2003 йили эса Меҳнат фахрийси медали билан тақдирланди.

Бугунги кунда, қутлуг 80 ёшини қаршилаётган муҳтарам устознинг илмий-педагогик фаолияти ёшларимиз учун маънавий жасоратнинг тимсоли сифатида катта аҳамиятга эга. Шубҳасиз, у каби ўз умри, ҳаётини илмга, фанга, зиёга бахшида этган илм даргалари ҳамisha эл-юрт ардоғида бўлади. Доцент Камолжон Курбонovid билан суҳбатлашганимизда, у киши ўзининг шу даражага етишига кўплаб машҳур географ олимларнинг жуда катта хизматлари борлигини мамнуният билан гапирди. Шу сабабдан, ҳозирги кунгача илмга интилувчи ёшларга ҳар тамонлама ёрдам бериш, кўмаклашиш, илмий изланишларини қўллаб-қувватлаш, бу шарофли вазифани адо этиш унинг бурчи эканлигини алоҳида таъкидлайди. Биз ушбу улуг мақсадларини амалга оширишда устоз Камолжон Курбонovidга икки дунё саодатини тилаб, Шайх Савийи ҳазратларининг боқий умрларини тилаймиз. Эл-юрт, дўстлар, ҳамкасблар, шогирдлар, фозиллар бахтига доимо соғ-саломат бўлинг, устоз!

География ўқитиш методикаси кафедраси жамоаси.

